



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿՈՏԱՅՔԻ ՄԱՐԶԻ
ԱՐՈՎՅԱՆ ՀԱՄԱՅՆՔԻ ԴԵԿԱՎԱՐ**

ՀՀ Կոտայքի մարզ, ք. Արովյան, Բարեկամության հր.-1, 2201, հեռ. (0222) 2-03-65, (060) 447-000, էլ. հասցե abovyan.kotayq@mta.gov.am

21-ը սեպտեմբերի 2025թ.

**ՈՒՂԵՐՁ ՍԵՊՏԵՄԲԵՐԻ 21-Ի՝ ՀԱՅԱՍՏԱՆԻ ԱՆԿԱԽՈՒԹՅԱՆ
ՀՈՉԱԿՄԱՆ ՏԱՐԵԴԱՐԺԻ ԿԱՊԱԿՑՈՒԹՅԱՄԲ**

Սեպտեմբերի 21-ը Հայաստանի Հանրապետության պետական տոնացույցի ամենանվիրական ու հպարտ էջերից է. այսօր նշում ենք Հայաստանի անկախության հռչակման 34-րդ տարեդարձը, որի կապակցությամբ սրտանց շնորհավորում են մեր բոլոր հայրենակիցներին ու աշխարհասփյուռ հայությանը:

1991 թվականին հայ ժողովուրդը հաստատուն կամքով վճռեց ապրել ազատ ու ինքնիշխան երկրում, ստեղծել ամուր ու անկախ պետականություն՝ հանուն որի պայքարել ու կերտել էր հաղթական դրվագներ, տարիներ շարունակ դիմակայել բազում փորձությունների ու մարտահրավերների:

Մեզ համար թանկ ու խորհրդանշական օրով առաջնահերթ ուզում ենք երախտագիտությամբ հիշենք միասնական ու հզոր հայրենիքի ստեղծման, Հայաստան ու Արցախ աշխարհի պաշտպանության համար կյանքը նվիրաբերած մեր հայրենակիցներին և խոնարհումով հարգենք նրանց հիշատակը:

Կարևորելով անկախացման բարդ գործընթացն ու մեր ժողովրդի ձեռքբերումները՝ յուրաքանչյուրս տեղում պիտի շարունակենք գործել հանուն ինքնիշխան պետականության ամրապնդման և հանուն ուժեղ ու զարգացող երկրի կայացման:

Սիրելի՛ հայրենակիցներ.

Արժևորելով Սեպտեմբերի 21-ի խորհուրդն ու համոզմունքները՝ կրկին շնորհավորում ենք բոլորիս Անկախության հռչակման տարեդարձի կապակցությամբ, մաղթում ենք միասնական ուժերով ու նվիրյալ աշխատանքով նպաստենք մեր երկրի շենացմանն ու թանկ գնով ձեռքբերված անկախության հարատևմանը:

ՀԱՄԱՅՆՔԻ ԴԵԿԱՎԱՐ

Է. ԲԱԲԱՅԱՆ